

Tomada xagan

PAG.	LIN.	DICE	LEASE
110	1	cruelismo	cruelísimo
110	21	reflecciones	reflecciones
110	27	victimas	víctimas
110	32	tamtum	tantum
111	3	passinque	passimque
111	30	titulo	título
111	31	hallo	halló
112	9	innoscentes	innocentes
112	13	nombro	nombre
115	13	comm	como,
115	17	haya	haya,
115	17	quacunque	quacumque
116	1	empezo	empezo

THEOLOGICA DISQUISITIO

IN QUA,

MENS ECCLESIAE

IN DEFINITIONE DOGMATICA

DE

IMMACULATA BEATAE VIRGINIS MARIAE

CONCEPTIONE

CUM MENTE DIVI THOMÆ

DE EADEM RE DILIGENTISSIME COMPARATA,

EVIDENTER MONSTRATUR

JUXTA PHILOSOPHICUM ET THEOLOGICUM

EJUSDEM ANGELICI DOCTORIS SYSTEMA

UNAM ET EAMDEM ESSE, NEC IN APICE DISCREPARE.

AUCTORE

Josepho Maria a Jesu Diez de Sollano et Dávalos

EPISCOPO LEONENSI,

SOCIO ROMANÆ ACADEMIE PHILOSOPHICO-MEDICÆ

SANCTI THOMÆ AQ.

SANCTISSIMO DOMINO NOSTRO LEONI XIII

DEVOTO ANIMO DICATA,

ATQUE OCCASIONE SAPIENTISSIMÆ EJUS

ENCYCLICÆ "ÆTERNI PATRIS" ELABORATA.

Anno MDCCCLXXX.

PROLOGUS.

ELAPSIS jam triginta annis, ex quo Theologicam de Immaculata Conceptione B. V. Mariæ dissertationem, jussu et nomine Almæ Mexicanæ Academiæ pro responsione ad Encyclicam SS. D. Pii PP. IX datam Cajetæ 2 Februarii 1849 scripseram, pervenit ad meas manus opus Joannis Mariæ Cornoldi cuius titulus *Sententia Sancti Thomæ Aquinatis de immunitate M. V. Dei parentis a peccati originalis labe, sapientissime quidem elaboratum, sed in eo aliquid mihi desiderandum relinquebatur, nempe: citra omnem dubitationem mentem Angelici mei Magistri pro Immaculato Virginis Conceptu extitisso, quod in mea Dissertatione olim asserui. His in adjunctis celeberrima et sapientissima Encyclica SS. Domini nostri Leonis XIII, pro instauranda in universo catholico orbe Philosophia Divi Thomæ, maximis cum laudibus ibi celebrata, veluti in præteritis temporibus a Conciliis et Summis Pontificibus extolli supernis encomiis consueverat; me, licet minimum tanti Doctoris discipulum, inclinavit, ut de novo instituerem scrutationem et disquisitionem de vera et sincera mente ejusdem Angelici, de tanto Virginis privilegio. Hoc, meo videri, et dogma gratissimum jam definitum a Pio IX, et commendatio quam maxima Leonis XIII, et orbis universus tanto dogmate, tantaque commendatione commotus, et erga Virginem et erga Thomam pientissime affectus requirebat, ut, nempe: ille cuius doctrina commendabatur, a*

IN TYP. JOSEPH M. MONZON.

Via vulgo de la Plaza de Gallos num. 36.

quolibet nævo in tradenda quæstione de Immaculata Virgine,
immunis ostenderetur.

Consideravimus namque, ut verbis Divi Thomæ utar (in Prol. ad Sum.) hujus doctrinæ novitios, in his quæ a diversis scripta sunt, plurimum impediri: partim quidem propter multiplicationem inutilium quæstionum et difficultatem argumentorum: partim etiam, quia ea quæ sunt necessaria talibus ad sciendum in hac quæstione, non reperiuntur tradita secundum ordinem disciplinæ, immo in ipso Sto. Doctore traduntur secundum quod requirebat librorum expositio, vel secundum quod se præbebat occasio disputandi: partim quidem, quia earumdem quæstionum in diversis locis repetitio, aliquam confusionem gerebat in animis audientium. Hæc igitur et alia hujusmodi evitare studentes, tentavimus cum confidentia divini auxilii, ea quæ ad hanc quæstionem persolvendam pertinent, breviter et dilucide prosequi, secundum quod materia patietur. Et ut intentio nostra sub aliquibus certis limitibus comprehendatur, oportunum duximus methodum ipsius Divi Thomæ pro nostra tenuitate imitari, ut videre est in sequentibus.

Gratissimum mihi opus, et gratum existimo fore Immaculatae Mariæ, Angelico Thomæ, Leoni Pontifici, Universæ Ecclesiæ, toti denique Reipublicæ litterariæ.

Faxit Deus, ut ita sit.

DISQUISITIO BREVIS
DE MENTE ANGELICI DOCTORIS
Divi Tomæ Aquinatis
circa immunitatem Beatae Virginis Mariae

AB ORIGINALI LABE

IN SUA CONCEPTIONE.

EX opusculo sapientissime elaborato per Patrem Joannem Mariam Cornoldi Societas Jesu circa hanc rem, in quo logice, et rigorosa scholæ methodo et forma ostendit, nihil in operibus Divi Thomæ, etiam prout